



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 29. Onejctiones contra Sammaurianam editionem a personato Abbate Germano propositæ.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

Sæc. XVII.
A. C. 1680.

§. XXIX.

Objectiones contra Sanmaurionam editionem a personato Abbate Germano propositæ.

Majoris momenti nonnullis videbantur ea, quæ Larvatus Germaniæ Abbas in nova hac editione carpserat; præprimis autem duo capita demonstrare nitebatur, I. quod Benedictini in sua editione nil eorum præstiterint, quæ in ejusmodi occasione fecissent Catholici, firmiter persuasi, quod Jansenius sit jure damnatus, & Jansenistæ sint veri hæretici, & quod Sanctus Augustinus nunquam eorum errores docuerit, II. quod Benedictini a contrario nil eorum prætermiserint, quæ a Viris Jansenismum tueri paratis facta fuissent, quin tamen palam assererent, immerito Jansenium fuisse damnatum, nec illum a principiis & D. Augustini doctrina deviasse. Utrumque hoc caput probaturus, tredecim attulit argumenta, & I. quidem, mirum esse, quod Benedictini, postquam quinque Jansenii propositiones iterato & solemniter fuerint damnatæ, nec ullo tamen verbo Jansenistas tanquam hæreticos notarent, nec injuriam vindicarint S. Augustino ab illis illatam, qui suos erro-

Nn 2.

res

Sæc. XVII. res auctoritate hujus S. Doctoris firmare nitebantur, & ne quidem secuti sint Parisiensem Archiepiscopum, qui in suo edicto S. Augustini doctrinam de Jansenismi censuram in libro *de expositione* contentam encomiis celebravit. II. illos non annotasse loca, quibus Catholicis uti solent, ut demonstrent, Deum juxta S. Doctorem, habere sinceram salvandi voluntatem etiam alios præter prædestinatos, studiose autem notasse loca, ubi hic S. Doctor de sola Dei voluntate salvandi prædestinatos loquitur. III. Non annotasse, loca Jansenismo contraria, cum tamen Lovanienses annotarint textus Calvinismum evertentes, ut fideles contra Calvinæ dogmata præservarentur. IV. Eos S. Augustini textum: *perseverares, si velles*, quo gratia sufficiens ex S. Augustino demonstrabatur, corrupisse annotatione Arnaldi, qui hunc textum ita explicat: *perseverares si velles, id est, si eadem voluntas maneret*: insuper illos ad librum *de correctione & gratia*, ubi S. Doctor nonnisi de gratia efficaci loquitur, addidisse, *universam gratiam Divinæ Oeconomiam, subjicit hic liber*, penitentiæ ac si S. Augustinus nunquam de gratia, cui resistitur, locutus fuisset. V. Illos enervasse sensum gratiæ sufficientis, quam S. Augustinus per hæc verba:

Deus

Deus non deserit, si non deseratur, indi- Sæc. XVII.
 cat. VI. Illos ad S. Doctorem textum: A. C. 1680.
adjutorium bene agendi per inspirationem
flagrantissimæ, & luminosissimæ charitatis,
 addidisse in margine: *Definitio gratiæ*
Christi, perinde ac si S. Doctor non agno-
 visset aliquam gratiam, quæ per pec-
 catum inutilis redditur. VII. Idem
 eos intendisse hac nota marginali: *in-*
telligenda est gratia Dei per Christum, quæ
sola homines liberantur a malo, & illa:
Gratia Dei per Christum, quænam sit?
 eo quod gratia sufficiens homines nec
 a malo liberat, nec eos sanctificat.
 VIII. Studiosè ad excludendam gra-
 tiam sufficientem iis locis, ubi S. Doctor
 de gratia efficaci loquitur, Benedic-
 tinos has subjunxisse notas: *Gratia cur*
non omnibus, nec semper Sanctis datur;
Gratia aliis ex veritate non datur: Auxi-
lium gratiæ necessarium; qui per gratiam
didicit, agit omnino, quid agendum didicit.
 IX. Eo etiam ex fine Benedic-
 tinos ad quæstionem, cum Deus nil impossibile
 præcipiat, non aliam dedisse causam,
 nisi quia omnia charitati sunt facilia,
 scilicet gratiæ efficaci, cui non resisti-
 tur. X. Benedic-
 tinos Lovaniensium
 annotationi subrogasse hanc; *qui per*
gratiam didicit, agit omnino, quicquid a-
gendum didicit, perinde ac si S. Augusti-
nus doceret, omnem gratiam suam

Sæc. XVII. consequi effectum, ad quem Deus illam offert. XI. Illos usos fuisse MS. Codicibus, quos Gotescaudus ad stabiliendam hæresin Prædestinatianam cum suis sociis foede depravavit. XII. Benedictinos insinuasse, quod Sanctus Augustinus aliam libertatem indifferentem admiserit, quam Julianus; ac propterea hæc annotasse: *Liberum arbitrium quid sit juxta Julianum? Libertas, in quo consistat secundum Julianum; libertatis arbitrii definitio a Juliano, in quo conveniunt cum Novatoribus, qui docent; quod necessitas non destruat liberum arbitrium voluntatis.* XIII. Ad calcem decimi tomi eos addidisse eodemque caractere editioni suæ inseruisse Arnaldi Analysin, in qua omne Jansenismi venenum continetur.

§. XXX.

Famosi hujus libelli fata.

Præter hunc famosum personati Abbatis libellum varii etiam alii vulgabantur libri, quibus Editorum gloria indigne imputabatur; atque inter plures prodiit quædam *epistola Abbatis commendatarii ad R. R. P. P. Benedictinos Congregationis S. Mauri*, in qua Author frivolis æque ac malignis rationibus persuadere satagebat, ut Benedictini in præ-